

UMSKAL bantu baiki rumah lima beradik

UB 16.11.2013 A9

LABUAN: Pelajar Universiti Malaysia Sabah, Kampus Antarabangsa Labuan (UMSKAL) telah membantu membaiki rumah lima adik-beradik sempena program Strategi Lautan Biru di Kampung Rancha-Rancha Darat, kelmarin.

Seramai 20 anggota Pasukan Simpanan TUDM (Palapes) dan Siswa Pertahanan Awam (SISPA) UMSKAL telah bergotong-royong pada setiap minggu membaiki dapur, tandas dan mengecat sekeliling rumah tersebut.

Majlis perasmian program itu disempurnakan bersama Ahli Dewan Negara, Senator Datuk Yunus Kurus dengan Naib Canselor UMS, Prof Datuk Dr Mohd Harun

Abdullah di kediaman rumah tersebut, kelmarin.

Turut hadir Pendaftar UMS, Datuk Abdullah Mohd Said dan Pengarah UMSKAL, Prof Madya Dr Ismail Ali.

Pada majlis itu, Yunus dan Mohd Harun menyampaikan bantuan barangan keperluan harian seperti beras, gula, minyak dan hamper kepada wakil lima beradik itu, Hanafi Hamid.

Hanafi, 23, tinggal bersama empat lagi adik-beradiknya yang berumur antara 13 hingga 30 tahun.

Beliau yang bekerja sendiri mengucapkan terima kasih kepada UMSKAL atas keprihatinan Institusi Pengajian Tinggi Awam (IPTA) itu membantu

meringankan beban mereka sekeluarga.

“Kami sangat menghargai usaha UMSKAL yang dapat membantu meringankan kehidupan kami adik-beradik untuk menghadapi masa akan datang,” katanya.

Sementara itu, Yunus yang juga Pengerusi Majlis Penasihat Perbadanan Labuan memuji usaha UMSKAL itu sekaligus mampumengeratkan hubungan baik antara pihak universiti dengan penduduk kampung.

Mohd Harun pula berkata program jiwa murni itu membuktikan warga universiti sentiasa dekat dengan masyarakat setempat di Wilayah Persekutuan Labuan.



YUNUS (lima kiri) dan Mohd Harun (enam kiri) menyerahkan replika kunci kepada Hanafi diperhatikan Abdullah (tiga kiri) dan Ismail (empat kiri).